

Innaallagissamut, imermut ataatsimoortumillu kiassarnermut il.il. akigititat aalajangersaasarneq pillugu Namminersorlutik Oqartussat nalunaarutaat nr. 22, 22. december 2017-imeersoq

Nukissamik pilersuineq pillugu Inatsisartut peqqussutaat nr. 14, 6. november 1997-imeersumi § 18, imm. 3, aamma § 21 naapertorlugit makku aalajangersarneqarput:

Kapitali 1

Atuuffia

§ 1. Nalunaarummut ilaapput pilersuviit innaallagissamik, imermik ataatsimoortumillu kiassarnermik pisortat pilersuviinut pissarsiniartarnermik, ingerlatseqqittarnermik, tunisassiornermik siammarterisarnemillu suliaqartut.

§ 2. Nalunaarut inunnut namminneq atuisartunut nalinginnaasutullu inuussutissarsiorfimmi niuerfigisanut assigiissitanik akigititanik, kiisalu agguataakkanik naatsorsuusiornermut atugassamik pilersuviit aningaasartuutit agguataarnissaannut aalajangersaavoq.

Kapitali 2

Akigititamut allattuiffimmi immikkoortukkuuttaanut akigititap aalajangersarnera

§ 3. Akigititamut allattuiffimmi niuerfigisaqatigiit 1-ip malitsigisaanik illoqarfinni nunaqarfinnilu inuit namminneq atuisartut aamma nalinginnaasut inuussutissarsiorfimmi niuerfigisat innaallagissamut imermullu assigiissitanik akigititanik akiliissapput, takuuk ilanngussaq 1.

Imm. 2. Aalisakkanik suliffissuaqarfimmut akigitanut ilaasutut niuerfigisanut inuit namminneq atuisartut aamma nalinginnaasut inuussutissarsiorfimmi niuerfigisat ilaanngillat, takuuk § 4.

§ 4. Akigititamut allattuiffimmi niuerfigisaqatigiit 2-p malitsigisaanik illoqarfinni nunaqarfinnilu ataasiakkaani tamani innaallagissamut imermullu aalisakkanik suliffissuaqarfimmut akigititaq aalajangersarneqarpoq, takuuk ilanngussaq 1.

§ 5. Kingusinnerpaamik ukiup atuuttup naanerani akigititanut allattuiffimmi akigititat ukiut tamaasa aalajangerneqartassapput, takuuk ilanngussaq 1.

Imm. 2. Akigititanut allattuiffimmut allaqqaagaq kingusinnerpaamik ukiumi atuuttumi decembarimi Naalakkersuisunit akuersissutigineqassaaq.

Kapitali 3

Agguaassinermut naatsorsuutit

Sumiiffikkaarlugu ukiumoortumik suliarinnittarneq

§ 6. Pilersuiviit ataasiakkaat ukiut tamaasa agguaassinnermut naatsorsuusiortassapput ukiumoortumik naatsorsuutini paasissutissaatit assingi toqqammavigalugit, sumiiffinnut tamanut ataasiakkaanut atuuttunik, takuulli imm. 3. Sumiiffittut paasineqartassapput illoqarfiit ataasiakkaat aamma nunaqarfiit ataasiakkaat.

Imm. 2. Illoqarfiit marluk arlallilluunniit tunisassiornermik siammaterinermillu pilersuivimmiit ataatsimit pilersorneqartarpata, tamakku sumiiffittut ataatsitut naatsorsuutigineqassapput.

Imm. 3. Pilersuivinnik ataasiakkaani agguaassinnermut naatsorsuutitut, imm. 1-imi aalajangersarneqartunut attuumassuteqartunik ilassutitut nalunaarsuinernik aamma misissueqgissaarinernik suliaqarnissaannik Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik peqqusisinnaavoq.

§ 7. Agguaassinnermut naatsorsuutit illoqarfinni nunaqarfinilu Nukissiorfiit najuuffigisaanni pilersuiffigisaanilu naatsorsorneqartassapput.

Kapitali 4

Periusissatut tunngaviit

Ingerlatsinermi sanaartormilum aningaasartuutit

§ 8. Agguaassinnermut naatsorsuutitut ilaapput pilersuiviit ataasiakkaat ingerlatsinermi sanaartormilum aningaasartuutaat imatut paasineqartussat:

- 1) Toqqaannartumik toqqaannartuunngitsumillu aningaasartuutit, taakkununga ilanngullugit sulisunut, naammassisaqarsinnaassutsikkut aningaasartuutitut, isumakkeerisarnernut, nioqqutissanik atuinnermut, ernianut il.il. aningaasartuutit.
- 2) Pilersuiviup nammineerluni akilersuutigisartagai.

Aningaasartuutit

§ 9. Aningaasartuutit imatut agguataarneqartassapput:

- 1) Annertussutsit pilersuutigineqartut aallaavigalugit agguaassisoqartassaaq, annertussutsilli akiligassiissutigineqarsimasut atorineqartassapput, annertussutsinut pilersuutigineqartunut tatiginartunik paasissutissaqangippat.
- 2) Innaallagissamut, imermut kiassarnermullu toqqaannartumik aningaasartuutit isertitallu assigiinngitsut toqqaannartumik innersuunneqarsinnaasut illoqarfinnut nunaqarfinnullu ataasiakkaanut naatsorsuutitut ilaatinneqartassapput.
- 3) Immikkoortortaqarfinnut, illoqarfinni nunaqarfinni assigisaannilu nukissiorfeqarfinnut ataatsimoorussamik aningaasartuutit agguataarneqartassapput innaallagissamik, imermik kiassarnermillu pilersuinnermut immikkoortortaqarfinni, innaallagissamut imermut kiassarnermullu sulisunut, naammassisaqarsinnaassutsimut isumakkeerisarnernullu aningaasartuutit malillugit. Qitiusumik allaffeqarfinnut aningaasartuutit, nukissiorfeqarfiit sulisunut, naammassisaqarsinnaassutsimut immikkoortortaqarfinnilu ataasiakkaani isumakkeerisarnernut tamakkiisumik aningaasartuutit malillugit, innaallagissamik, imermik kiassarnermillu pilersuinnermut agguataarneqartassapput. Tamatuma kingorna aningaasartuutit immikkoortortaqarfinni ataasiakkaani

pilersuutigineqartut naapertorlugit illoqarfinnut nunaqarfinnullu agguataarneqartassapput. Qitiusumik allaffeqarfimmit tamakkiisumik agguataarisinnaaneq periarfissaqassanngippat, qitiusumik allaffeqarfimmi aningaasartuutiniq ilanngaassineq pisinnaasaaq tunngavilersorluakkamik missingersuineq tunngavigalugu.

4) Agguaassinermut naatsorsuutini Namminersorlutik Oqartussanut akiliutit, taakku ataanni kiffartuussinermut isumaqatigiissutinut akiliut, ilanngunneqassanngillat. Taamaattorli Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik tamatumunnga akuersissuteqassappat akiliutit ilanngunneqarsinnaapput.

Suliffeqarfimmi namminermi akilersuisarneq

§ 10. Suliffeqarfimmi namminermi innaallagissamut, imermut kiassarnermullu akilersuisarneq imatut ingerlanneqassaaq:

1) Tunisassiorfinit siammarterivinnit allanit innaallagiaq, imeq kiassarnerlu pissarsiarineqartarpata tamanna akilersorneqartassaaq atuisumut aningaasartuutit sipaarutaasut aallaavigalugit. Taamatut akilersuisarneq nuna tamakkerlugu agguaqatigiissitsisimanermit tunngaveqartinneqassaaq.

2) Erngup nukissiorfimmit innaallagiaq kiassarnerlu sinneruttoq pissarsiarineqartassaaq suliffeqarfimmi 0,01 kWh-tut akilersuinermit aki naapertorlugu.

Imm. 2. Kangerlussuarmut Narsarsuarmullu atuuppoq, nunap sinneranisut suliffeqarfimmi akilersuisarnermit aki atorneqartoq atorneqartassamat.

Ilanngaaseereerluni erniat

§ 11. Ilanngaaseereerluni erniat agguataarneqartassapput ukiup naanerani illoqarfinnut nunaqarfinnullu innaallagissamik, imermik kiassarnermillu pilersuinermit sanaartukkat nalingi naatsorsuutini allanneqarsimasup nalinga naapertorlugu.

Isumakkeerisarnerit

§ 12. Isumakkeerisarnerit, taakkununnga ilanngullugit nalikilliliinerit naleqarnerulersitsinerit, pilersuiviit ukiumoortumik naatsorsuutaannut maleruagassat naapertorlugit ilanngunneqartassapput.

Imm. 2. Agguaassinermut naatsorsuutitigut takuneqarsinnaasaaq, pigisat sorliit isumakkeerneqarsimanginersut.

Kapitali 5

Immikkoortukkuutaanut aningaasartuutit naatsorsorneqartarnerat

§ 13. Immikkoortukkuutaanut aningaasartuutit naatsorsorneqartassapput agguataarneqartussanik naatsorsuutini aningaasartuutit naatsorsorneqarsimasut annertussutsinik pilersuutigineqarsimasunik agguarlugit, annertussutsit akiligassiissutigineqarsimasut ikiorsiullugit.

Imm. 2. Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfiup nalunaarutigisinnaavaa, suli aningaasartuutitigut kisitsisinik allanik

naatsorsuisoqassasoq.

Kapitali 6

Allaffissorneq

§ 14. Agguaassinnermut naatsorsuutit Inuussutissarsionermut, Suliffeqarnermut, Niuernermut Nukissiuuteqarnermullu Naalackersuisoqarfimmut nassiunneqassapput.

Kapitali 7

Atuutilerpera il.il.

§ 15. Nalunaarut manna 1. januar 2018-imi atuutilerpoq.

Imm. 2. Tamanna ilutigalugu Innaallagissamut, imermut ataatsimoortumillu kiassarnermut immikkoortukkaanut aningaasartuutit naatsorsorneqartarnerini aningaasartuutit agguataarneqartarnissaannut periusissatut tunngavissanik aalajangersaasarneq pillugu Namminersornerullutik Oqartussat nalunaarutaat nr. 12, 10. august 2006-imeersoq atorunnaarpoq.

Namminersorlutik Oqartussat, ulloq 22. december 2017

Hans Enoksen

/

Jørn Skov Nielsen